

آه امن الدنيا الدوّاره  
قووض ظعونه باسفاره  
يتنهدّ يجري عبراته  
ذب جسمه مخنوقه انفاسه  
شسوّت بحسين الغدّاره  
عايف أوطانه ودياره  
يم قبر الهادي اخباره  
يشكي ضيمه بحرقة ناره

يا جدي ضمني  
أبلحدك خذني  
سكّن زفرا تي  
تبرد أهاتي

جاه الصوت اسمعني يبني  
ارحم قلبي الذاب بحبك  
ريحانة عمري يا روعي  
مكتوب تهاجر بعياالك  
يحسين نياحك يشعبني  
خفف بچيك لا تفجعني  
ما يهون اعليّه تفارقني  
بعدك چن سيفه يذبني

مهضوم أدري بيك  
مظلوم يوليدي  
دهرك ما يرحم  
صبرك يا ضيغم

وعد المعبود  
يبني المكروب  
وقّي لعهود  
دينك مكتوب  
تحمّل لالأم  
بالطف تتضام

دين العلام  
يصبح الاسلام  
صونه بدماك  
عزّه بحماك

يحسين تروح  
مصابك يبني  
تفدي هالروح  
والله يفتني  
خل تنفني أعمار  
نوحى أطوار

بالطف نحضر  
أمك فاطم  
من تتحير  
وأنا وحيدر

(1/1)

أنا يبني چني بيك بين اعداك

حجر الظالم صك راسك وادماك  
على شيبك يتقاطر سيل دماك  
جمد بوجهك معميّه عيناك

ابثوبك همّيت      تمسح دمومك  
صدرك من بان      ضوّه ابنورك

إجه لمتلث صابك في صدرك  
فري چبدك سلّيته من ظهرك  
جري دمّك تتمايل على مهرك  
طحّت ابلو عار تجود بعمرك

رشفه من الماي      بابلها ارياقى  
تقلهم عطشان      قطره ماتلاقي

على صدرك شمر ايجيك يتربع  
أسف بسيفه اوداجك تتقطع  
جسد بلا راس اوصال تتوزع  
وانا قلبي لك يحسين يتوجع

تحوطك لملاك      متعجبه الصبرك  
اللّه ويّاك      يالخالد ذكرك

(1/ب)

هل ويّه هلالك يحرّم      دمع من اجفوني الذبلانه

قلبي يتصدّع بالآلامه  
تفجعني جدّدت امصابي  
من هليت أتأذى بشوفك  
مطوّق بهوممه واحزانه  
بصدري تتوجّر نيرانه  
روحي تنهيج وجعانه

محّمّره انوارك  
سأيت افادي  
چنها دموم حسين  
شطرته شطرين

ساطي بالمهجه سؤدني  
علصدره مذبوح اوليده  
ظامي ما رواه ابقطره  
عبدالله شذنبه يذبحونه  
ما أنسى يومه بو اليمّه  
بن كاهل صوبه ابسهمه  
بقماطه بنبيله يقطمه  
متشخط يا ويلي بدمّه

طفله اعله ذراعاه  
نفسه مرتاعاه  
غابت انفاسه  
فطر احساسه

هل ابلحزان  
قابي مجروح  
شهر الأشجان  
لجل المذبوح  
دوهن حالي  
دمعي هالي

أقبل عاشور  
جمره وقّاد  
يدمي لصدور  
علمر لدهور

ما يهنا النوم  
صاب المختار  
أقشر هاليوم  
بهمّ وأكدار  
سهمه جراح  
وطعنات رماح

آلامه تطول  
بسيف مسموم  
لابنه المقتول  
راسه معزول

(1/2)

بقي وحده ماله معين يا حسره

قضوا انصاره السبعين عالغبره  
بلا ناصر ظل محتار بأمره  
ولا جاله احد لبّاه وينصره

جيش بن زياد ضيق الوادي  
يشخب بدماه مهجة الهادي

ظما قلبه نار اجمار مشبويه  
على صيوانه انظاره ملهوبه  
خفي ونّاته ولدموع مسجوبه  
على نسوانه بلخيّام مصيوبه

يوم التوديع يمرّد دلّاله  
رد بالحسرات خابت آماله

على صدره اجبال هموم بو الأكبر  
جالزيبب على بلواه يتصبّر  
على خدها دموعه شلون تتحدّر  
مزج دموعه بدمعات بت حيدر

يهلال البين ممرت الوالي  
جيت بلمصاب تمرّد دلالي

(2/ب)

أني بنت حسين الوالي أهلي في داري عافوني

مكسورة خاطر محزونه  
أحسب أيامي وجروحي  
أقعد يم بابي بلوعاتي  
وحدني للوحشه خلوني  
أتطرّ يا ساعه يجوني  
أترجّي بلهفه يلفوني

أبجي ليل انهار  
لفراق احبابي  
چن دمعي انهار  
أعصابي تنهار

أذكر من طوّح حاديهم  
واليهما شلون يفارقها  
ما چنّي بنته يضيّعني  
ترجّيته ابرحله ياخذني  
صارت في طيبه زلزاله  
بظعونه شائل اعياه  
اعياه بغربه چتّاله  
سوّيت انياحه بولواله

بهودج عمّاتي  
لو ويّه لكبر  
خلني يابويه  
يمشيني خويه

بح مني الصوت  
تقرّح قلبي  
تمنيت الموت  
زايد نحبي  
قبل ايرحلون  
أبجي ويبچون

فراق الخلان  
جسمي النحلان  
يسعر بالجوف  
يتراش خوف

أنشد يحاباب  
شيبقى بدنياي  
حالي ما طاب  
مّعظم بلواي  
من يرعاني  
مرّه احزاني

ما ظن يعود  
قلبي ممرود  
ليّه المحبوب  
بفقدّه مصيوب

جسد ابلا روح ابقى امن تبعدون  
أنا أدري بسفرتكم مترجعون  
على شط لفرات اسمع تنذبجون

ريضوا بالهون مصعب ممشاكم  
دم دمعي يسيل ميته بفرقاكم

اجت العمها العباس اشعدها  
وجع الفرقه الذبّاح ضاهدها  
نشد تسأله الوفاي ميردها  
بجت ثقّله يحاچي والدها

عبدالله أريد بيقى يسليني  
تركوه وياي بُعده يچويني

أبو ما عندي لا عم لا إخوان  
مشوا شخانة عمري دهري خان  
لهب بصدري شيطفي هالنيران  
بالم الوحده يدولبني الحرمان

لأهلي الغيّاب كثرت ألامني  
يمتى يردّون تهنا أيامي